


大明集禮

卷之四十一



大明集禮卷四十一

車輅

總序

黃帝作車。**陶唐氏**制彤車。**有虞氏**制鸞車。**夏后氏**制錫車。**殷**制大輅。又有桑根車。**周**官所掌。天子與后皆有五輅。天子之輅。自金輅以下。臣下亦得用之。**漢唐**以來。車輅。天子至公卿。皇后至外命婦。各有等差。大抵皆倣周制而損益之也。

國朝自

乘輿

中宮

皇太子諸王妃主皆乘車輅腰輿而公卿大臣則乘安車有輿其制度各有差等。今考歷代之制為車輅篇。

天子車輅

周制王之五輅。其一曰玉輅。錫樊纓。十有再就。建太常十有二旒以祀。以玉飾諸末。錫馬面當盧。刻金為之。所謂鏤錫也。樊音鞞。馬大帶也。纓

謂當胸也。以韋為之。樊纓飾以采芻。就成也。十有二旒也。太常旂之畫日月者。旒旗脚也。繫於正幅以祀。祀天地宗廟也。二曰金輅。鈎樊纓。九就。建大旂以賓。以封同姓。以金飾諸末。鈎馬領之鈎也。無錫有鈎。亦以金為之。其樊及纓。以五采芻飾之。而九成。大旂九旗之交龍者。以賓。以會賓客也。同姓。王子母弟也。三曰象輅。朱樊纓。七就。建大赤以朝。以封異姓。以象飾諸末。無鈎。以朱飾勒而已。其樊及纓。以五采芻飾之。而七

成。大赤。九旗之通帛。以朝。以日視朝也。異姓。王之甥舅也。四曰革輅。龍勒。條纓。五就。建大白。以即戎。以封四衛。輓之以革而漆之。無他飾。龍。讀如字。驪也。以白黑飾。韋。雜色為勒。條。讀為條。其樊及纓。以條絲飾之。而五成。不言樊。蓋脫字耳。大白。殷之旂。猶周大赤。象正色也。即戎。謂兵事。四衛。四方諸侯守衛者。五曰木輅。前樊。鵠纓。建大麾。以田。以封蕃國。不輓。以革。漆之而已。前。音翦。翦。淺黑色也。無龍勒。以淺黑飾。韋為樊。鵠色。

為纓。不言就數。飾與革輅同。大麾。不在九旗中。以正色言之。則黑。夏后氏所建也。蕃國。九州之外。夷服。鎮服。蕃服也。凡五等。諸侯所得輅。在國及朝。天子皆乘之。但朝天子之時。乘至天子館。則舍之於館。諸侯自相朝。亦得乘之。親迎皆乘。所賜輅。又有輜車。即輦也。無輪。用十五人而輦。**秦**平九國。蕩滅典籍。舊制多亡。因殷桑根車。似金根之色。而制金根車。用金為飾。而為帝軫。旗皂旒。以從水德。復法水數。駕馬以六。古者諸侯

貳車九乘。秦滅九國。兼其車服。故大駕屬車八十一乘。法駕半之。左右分行。其車皆皂蓋赤裏。木輻輳。戈矛弩箠。尚書御史所載。最後一乘懸豹尾。豹尾以前為省中。以輦為人君之乘。

漢制。乘輿黃屋左纛。鸞旗在前。屬車在後。翠鳳之駕。旌旗鼓車。旄頭先驅。旗幟尚赤。大駕備車千乘。騎萬疋。屬車八十一乘。公卿奉引。太僕大將軍驂乘。祀天於甘泉用之。輦因秦以雕玉為之。方徑六尺。或使人輓之。或駕果下馬。

東漢

大駕屬車八十一乘。法駕半之。屬車三十六乘。大駕希用。惟上陵及遭大喪施之。法駕。公卿不在鹵簿中。惟河南尹執金吾洛陽令奉引。侍中驂乘。奉車郎御前驅。有九旒雲罕。鳳凰闐戟。皮軒鸞旗。皆大夫載。鸞旗或謂之雞翹。後有金鉦黃鉞。黃門鼓車。屬車皆皂蓋赤裏。木輻輳。戈矛弩箠。尚書御史所載。最後一車懸豹尾。豹尾以前比省中。行祠天郊以法駕。祀地明堂省什三。祠宗廟尤省。謂之小駕。乘輿金根。安車立車輪。

皆朱班重牙。金薄繆龍為輿倚較。文虎伏軾。龍首銜軛。左右吉陽筭。鸞雀立衡。攄文畫鞞。羽蓋華蚤。建大旂。十有二旒。畫日月升龍。駕六馬。象鑣鏤錫。金鏤方鈿。插翟尾。朱兼樊纓。赤芻易茸。金就十有二。左纛以鼈牛尾為之。在左。駢馬軛上。大如斗。是為德車。五時車安立亦皆如之。各如方色。馬亦如之。白馬者。朱其髦尾為朱鬣云。所御駕六。餘皆駕四。後從為副車。

晉

制。王金象革。木等輅。是為五輅。並天子之法。

車。皆朱班漆輪。畫為攄文三十幅。法月之數。重轂貳轄。以赤油廣八寸長三尺。注地。繫兩軸頭。謂之飛軛。金薄繆龍為輿倚較。為文獸伏軾。龍首銜軛。左右吉陽筭。鸞雀立衡。攄文畫鞞及轄。青蓋黃為裏。謂之黃屋。金華施椽末。椽二十八。以象宿兩箱之後。皆玳瑁為鷗翅。加以金銀雕飾。故世人亦謂之金鷗車。斜注旂旗於車之左右。加檠戟於車之右。皆橐而施之。檠戟鞞以黻繡。上為弋字。繫大蛙蟆幡。軛長丈餘。於戟之抄。

以犛牛尾大如斗。置左駢馬軛上。是為左纛。輅皆曲向上。取禮緯山車垂句之義。言不揉而能自由也。玉。金象三輅。各以其物飾車。因以為名。革者漆革。木者漆木。其制玉輅最尊。建太常十有二旒。九仞委地。畫日月升龍。以祀天。金輅建大旂。九旒。以會萬國之賓。亦以賜上公及王子母弟。象輅建大赤。通赤無畫。所以視朝。亦以賜諸侯。革輅建大白。以即戎。亦以賜四鎮諸侯。木輅建大麾。以田獵。其麾色黑。亦以賜蕃國。玉輅

駕六黑馬。餘四輅皆駕四馬。馬並以黃金為文

髦。插以翟尾。象鹿而鏤錫。金鏤而方鈿。金鏤謂

文旄。以鏤為之。其大三寸。中央兩頭。高如山形。貫中以翟尾而結著之也。繁纓赤芾

易茸。金就十有二。五輅皆有錫鸞之飾。和鈴之

響。鈎膺玉瓊。鈎膺。繫纓也。瓊。馬帶。玦名也。龍

象。轆謂車衡也。朱幘。幘。飾也。以君。朱纏也。法駕行

則有五輅。各有所主。不俱出。臨軒大會。則陳乘

輿。車螯。旌鼓於其殿。庭車坐乘者。謂之安車。倚

乘者。謂之立車。亦謂之高車。按周禮。惟王后有

安車也。王亦無之。自漢以來制乘輿乃有之。有青立車。青安車。赤立車。赤安車。黃立車。黃安車。白立車。白安車。黑立車。黑安車。合十乘。名為五時車。俗謂之五帝車。天子所御則駕六。其餘並駕四。建旂十二。各如車色。立車則正豎其旗。安車則斜注。駕馬亦各隨五時之色。白馬則朱其鬣尾。左右駢駢。金鏤鏤錫。黃屋左纛。如金根之制。行則從後。五牛旗。平吳後所造。以五牛建旗。車設五牛。青赤在左。黃在中。白黑在右。小出即

乘輦。

宋玉輅。依晉金根車。加赤漆樨畫。以玉飾諸末。建青旗。十有二旒。駕玄馬四。復因漢之安車。施羽葆蓋。以祀。以金飾為金輅。建青旗。駕玄馬四。羽葆蓋。以賓。象革木輅。並擬玉輅。象輅視朝。革輅即戎。二輅並建赤旂。駕玄馬四。木輅建赤麾。以田。駕赤馬四。大事法。駕五輅俱出。孝建中。尚書令王宏議。屬車起秦。八十一乘。及三十六乘。並不出經典。自胡廣蔡邕傳說耳。又是從官所

乘。非副車正數。江左五乘。則儉不中禮。帝王文
物旗旒皆十二為節。今宜依禮十二乘為制。

齊因宋金根車而修五輅。先青。次赤。次黃。次白。
次黑。依行運之色也。

梁五輅。旗麾同用赤而旒不異。亦從行運所尚。
其小輿似輅車。金裝漆畫。元正大會。乘出上殿。
西堂舉哀亦乘之。行則從後。又制步輿方四尺。
上施隱膝。人輿上殿。天子至下。賤通得乘之。復
制副輦。加竿。步本如犢車。通輿朱絡。謂之篷輦。

陳五輅。皆金薄交龍為輿。倚校文豹伏軾。虬首
銜軛。左右吉陽。甬鸞雀立衡。摺文畫轡。綠油蓋。
黃紋裏。相思撩。金華末邪。注旂旗於車之左。各
依方色。加檠戟於車之右。鞞以黻。繡獸頭幡。長
丈四尺。懸於戟杪。玉輅正副同。駕六馬。餘皆駕
駟。並金文髦。插於翟尾。玉為鏤錫。以綵畫蛙蟆
幡。綴兩頭。易漢之飛軫。五輅兩箱。後皆玳瑁為
鷗翅。金銀雕飾。兩箱裏衣紅錦。金花帖釘上。用
紅錦為後檐。青紋純帶花簾。各綺繡褥。

後魏

車輅各依方色。駕五馬。無經據。

後周

輅有十二等。一曰蒼輅。以祀昊天上帝。二

曰青輅。以祀東方上帝。三曰朱輅。以祀南方上帝。及朝日。四曰黃輅。以祭地示。中央上帝。及夕月。六曰玄輅。以祀北方上帝。及感帝神州。此六輅通漆之。而無他飾。即周木輅遺象也。馬皆䟽面之。旂就以方色。俱十有二。七曰玉輅。以享先皇。加元服。納后。八曰碧輅。以祭社稷。享諸先帝。食三老五更。享諸侯。耕籍。九曰金輅。以祀星辰。

視朔。十曰象輅。以望秩群祀。十一曰革輅。十二曰木輅。此六輅漆畫之。玉碧金象革物飾。諸末錫面金鈎。就以五采。俱十有二。其輅之飾。重輪重較。加茸馬。皇帝之輅。輿廣六尺。有六寸。畫輪軸。衡以雲牙。箱軾。檟文。內畫雜獸。獸伏軾。鹿倚較。三辰之常。玄青蒼等旗。畫繪之。六仞曳地。設和鑾。以節趨行。圓蓋方輿。以象天地。

隋

玉輅。青質。重箱盤輿。左龍。右虎。金鳳翅。畫檟

文。軛。左立。燾。金鳳。一在軾前。八鑾在衡。二軛在

輅。龍輅之上。前設障塵。青蓋裏。繡旒帶。金博山。綴以鏡子。下垂八珮。樹四十葆羽。輪皆朱班。重牙復轄。左建太常十有二旒。皆畫升龍日月。其長曳地。右載闕戟。長四尺。闊三尺。黻文旗首。金龍頭銜鈴及縷。垂以結綬。駕蒼龍。金鏤方鈿。插翟尾五焦。鏤錫鞶纓。十有二就。皆五采繒。羽為飾。天子祭祀納后則乘之。金輅。赤質。左建旗。畫飛皂。右建闕戟。盤輿鳳等。並同玉輅。駕赤騮。臨朝會同。饗射飲至則乘之。象輅。黃質。左建畫旒。

麟。右建闕戟。駕黃騮。祀后土則乘之。革輅。白質。鞵以革。左建旗。畫騶虞。右建闕戟。駕白駝。巡守臨兵則乘之。木輅。黑質。漆之。左建旒。畫玄武。右闕戟。駕黑騮。田獵則乘之。其輅並駕六馬。馬旒同玉輅。復置安車。重輿曲壁。紫油纁。朱裏。通幃。朱絲絡網。朱鞶纓。駕赤騮。臨幸則乘之。文帝既平陳。因為法令。憲章往古。大駕依秦。法駕依漢。小駕依宋。煬帝大業初。復備大駕八十一乘。後改為三十六乘。法駕用十二。小駕除之。輦不施。

輪。通幃。朱絡。飾以金玉。而人荷之。又依梁制。副輦。復制輿如輦而小。宮苑私宴御之。小輿方形。同幄帳。自閤內升殿御之。

唐制。玉輅者。祭祀納后所乘也。青質。玉飾末。金輅者。享射祀還。飲至所乘也。赤質。金飾末。象輅者。行道所乘也。黃質。象飾末。革輅者。臨兵巡守所乘也。白質。輓以革。木輅者。蒐田所乘也。黑質。漆之。五輅皆重輿。左青龍。右白虎。金鳳翅。畫苜文鳥獸。黃屋。左纛。金鳳一。鈴二。在軾前。鸞十二。

在衡。龍輶前設障塵。青蓋。三層繡飾。上設博山方鏡。下圓鏡。樹羽。輪金根。朱班。重牙。左建旂。十有二旒。畫升龍。其長曳地。青繡網杠。右載闌戟。長四尺。廣三尺。黻文旂首。金龍銜錦結。綬及縷帶。垂鈴。金鏤方鈿。插翟尾五。焦鏤錫。鞶纓十二。就。旌旗。蓋。鞶纓。皆從輅質。唯蓋裏皆用黃。五輅皆有副。耕籍所乘也。青質。三重蓋。餘如玉輅。安車者。臨幸所乘也。金飾重輿。曲壁。紫油纁。朱裏。通幃。朱絲絡網。朱鞶纓。駕赤騮。副輅。耕根車。安

車皆八鸞。四望車者，拜陵臨吊所乘也。制如安車。青油纁，朱絲絡網。又有屬車十乘。一曰指南車。黃帝與蚩尤戰於涿鹿，蚩尤作大霧，將士皆迷。四方黃帝作指南車，以示方。故後常建馬。周公時，越裳氏來獻，使者迷其歸路。周公為司南車，使載之而歸。故常為先導，示服遠人而正。四方。後漢張衡始復行，製造魏制。車上有木仙人，手常指南。晉大駕始復行，為先啓之乘。宋齊梁因之。唐備二曰記里鼓車。記里鼓車，東晉義熙中，於大駕。一曰記里鼓車。劉裕滅後秦，所獲未詳。其所由來，制如指南車。宋因之。大駕鹵簿，次指。南車。後梁駕以三曰白鷺車。白鷺車，隋制。一。牛。唐因宋制。以三曰白鷺車。鼓吹車，上施層樓。樓上有鸞栖馬。四曰鸞旗車。漢制。鸞旗車，唐因之。駕四馬。馬。四馬。秦制，上不祥。唐駕四馬。六曰皮

之。駕五曰辟惡車。秦制，上不祥。唐駕四馬。六曰皮。軒車。有士軒師，則載虎之義。晉宋因之。駕四馬。皆大。天。載。自。後。無。七曰羊車。羊車，晉制。一名輦。齊。聞。唐。備。於。大。駕。七曰羊車。制。皇。太。子。所。乘。梁。令。辨。髻。小。兒。數。人。引。之。貴。賤。通。乘。亦。名。率。子。隋。制。金。寶。飾。童。子。數。人。引。之。貴。賤。通。乘。亦。名。率。子。隋。制。果。下。馬。其。大。如。羊。唐。與。耕。根。車。四。望。車。安。車。為。十。乘。耕。所。乘。晉。制。如。副。車。有。三。蓋。一。曰。芝。車。親。以。青。為。質。駕。六。馬。唐。因。之。四。望。車。齊。制。通。德。由。幢。絡。班。漆。輪。轂。亦。曰。阜。輪。以。加。貴。臣。隋。制。同。攬。車。黃。金。飾。駕。一。牛。拜。陵。臨。吊。則。乘。之。唐。駕。四。馬。安。車。周。制。后。及。致。仕。之。老。乘。之。漢。安。車。立。車。是。為。德。車。五。時。車。安。立。亦。如。皇。子。各。如。侯。皆。乘。之。自。十。有。二。時。駕。六。馬。皇。太。子。皇。子。各。如。侯。皆。乘。之。自。

漢以後亦為副行幸陳于鹵簿則分前後大朝會則分左右太宗貞觀元年始加黃鉞車漢制大駕後晉駕一馬次于華蓋後御麾左右又有金鉞車金鉞車並駕三馬豹尾車豹尾車周制象君子豹變以尾者言謙也軍正建之漢大駕出最後一乘懸豹尾豹尾以前比之省中晉因之在鹵簿末唐駕二馬通為屬車十二乘以為儀仗之用大駕行幸則分前後施於鹵簿之內若大陳設行則分左右施於儀仗之中高祖太宗大禮則乘輅高宗不喜乘輅每有大禮則乘輦玄宗以輦不中禮廢而不用開元十一年冬祀南郊

乘輅而往禮畢騎還自是行幸郊祀皆騎於儀仗之內其五輅腰輿陳於鹵簿而已輦有七。一曰大鳳輦。二曰大芳輦。三曰仙遊輦。四曰小輕輦。五曰方亭輦。六曰大玉輦。七曰小玉輦。輦有三。一曰五色輦。二曰常平輦。三曰腰輦。大駕鹵簿先五輅以行。

宋 玉輅青飾輅頂天輪三層塗以綠青羅為衣繡雲龍於上上層一重下層三重每重綴鍍金小鈴三層飾以玉耀葉八十一用青玉為之以

金鍍銀鏤龍文置于中。兩傍有金花插天輪之周回。形如蕉葉。輪傍有鐵圓筓。耀葉之下皆有鐵簪入筓中。繫以青帶。圍以輪衣。又青羅兩長幅。表裏繡雲龍。自輅頂交於四角。分垂至輅臺下。謂之絡帶。或遇雨。覆以黃絹油衣。軸之中其頂中虛。繡寶蓋。闔以八頂。飾以八金龍。用香檀木為之。御座居中。純用香檀。不飾他物。取黃中正色也。座之左右金龍首。銜珠穗毬一。中兩龍間一大火珠。乘以金蓮花臺。座之引手亦飾金

龍。倚背及座皆以金銀絲織成。紋錦曲几。用香檀。覆以錦褥。御座後垂錦簾。駕登輅則捲之。有梯級以登。飾以金綵雲龍。每級皆覆以錦褥。東偏小梯級。執綏官由此先登。以紅繩維其前。立于東柱。以備顧問。輅身四柱皆飾以金。前兩柱各有大金龍纏於上。傍有珠穗毬二。輅臺中外皆設錦褥。臺之外。前有橫按。謂之香檀。設金鑪一。金香合二。立金鳳十二于前。案外有金纏龍臺二。以金覆。蓮葉足。案前裙板有四金龍。間玉

方勝以明青表而出之。前有牌篆書玉輅二字。以玉為之。有結子繫金鳳之足。旁有二金絲線結八垂牌之兩傍。中有玉連環結子。正垂牌上。玉環碾二龍。絡之四面。周以欄而闕其中。以備登降。每面於兩欄之角用玉蹲龍一。各有金圓照二。分置左右。玉羽臺一居中。插孔雀羽五枝。以辟塵。四面其數凡八。圓照倍之。圓照名曰照焰。插以鐵簪。繫以繡帶。如耀葉之飾。輪衣下垂。纓帶間以玉珮。覆綴以鍍金鈸鈴。每垂各六。與

玉珮間設周圍數各十二。輅下有蹲龍十六。以金鍍銀為之。在虛盤四圍之兩傍。有托角雲龍四。金彩為飾。前後左右各二。又有一字小欄飾以金。伏于輅下。有朱圓木橫於輅前。在托角雲龍之內。輅前有轆木。固以筋膠。飾以金碧。昂首鱗體。如龍之狀。皆飾以金。龍首之上有兩橫竿。青絲繫之。前曰鳳轆。飾以青。列立鳳十二。六馬載以行。次曰推轆。綠色黑文。衛士推之。以助馬力。其橫設轆。後曰壓轆。亦青飾。衛士壓其後。欲

取其平。左右冒以金龍。其輪三歲一易。心用榆木。束以鐵圈。掩以金鍍銀。輅下橫貫圓木為軸。冒以金筒。以金蹲龍簪夾兩輪。輪文皆綵繪。其輻飾以金花葉。衛士左右各六十人。以青絹裹大索鈎於軸首。而手入軸傍。金鑲引之而前。各以青索置扇上。外有副輪二以為備。飾亦如之。立鳳轅下六青馬。四在轅內。二在轅外。又有六馬以備番用。馬首被銅面。其額以畫獸。銜以鐵牛。黃裏青絹表。鍍金銅飾之。其背屨表以綠錦。

裏以青絹。裹羶六鈴七鈹。置之兩傍。其領下青纓。曰綽頰。覆以金鈹。每馬各一。輅之所止。有行馬二。飾以彩綵。左建太常十二旂。繡日月五星。右龍旂。職掌駕士二百三十八人。服平巾幘。絹抹額。羅繡對鳳袍。皆以青緋。羅繡對鳳襖。又羅抹帶。絹袴襪。麻鞋。皆青色。青駘馬三十匹。執綏官一員。捧輪將軍四人。呵唱二人。前後攔馬各九人。踏道二十二人。轅馬十二人。誕馬十二人。抱轅墜轅各六人。正副托义各四人。把棒四人。

小梯二人。香匙翦二人。紅軸頭二人。推杆四人。刮輪四人。龍頭二人。燭臺二人。靜席二人。左右索各六十一人。職掌五負。教馬二人。車子官健八人。蓋覆儀鸞司五人。千牛衛上將軍二負。抱龍旂太常六負。進馬四負。牧馬三十人。香蹙睥睨一排。列官一負。金輅色以赤。駕六赤馬。駕士六十四人。象輅色以淺黃。駕六赭白馬。駕士四十人。革輅色以黃。駕六駟馬。駕士四十人。木輅色以黑。駕六黑騮馬。駕士四十人。自金輅而下。

其制皆同。玉輅惟無玉飾。副玉輅。副金輅。副象輅。副革輅。副木輅。並駕六馬。駕士四十人。當用銀飾者皆以銅。餘制如正輅。耕根車如五輅之副。駕六青馬。駕士四十人。進賢車。古安車也。赤質。兩壁紗牕。擎耳虛攢。一轆。緋幘衣。絡帶門簾。皆繡鳳。紅絲網。中設朱漆床。香案。紫綾案衣。緋繒裏。輓索。朱漆行馬。駕士二十四人。明遠車。古四望車也。駕四馬。赤質。制如屋。重攔。勾闌。上有金龍。四角重銅鐸。上層四面垂簾。下層

周以花轆三板。駕士四十人。羊車亦為畫輪。車。駕以牛。後改駕以果下馬。二。赤質兩壁。畫龜文。金鳳翅。緋憶衣。絡帶門簾。皆繡瑞羊。童子十八人。指南車。一名司馬車。赤質。兩箱。畫青龍。白虎。四面。畫花鳥。重臺。勾闌。鏤拱。四角。垂香囊。上有仙人。車。雖轉而手恒指南。一轆。鳳首。駕四馬。駕士三十人。記里鼓車。一名大章車。赤質。四面。畫花鳥。重臺。勾闌。鏤拱。行一里。則上層木人擊鼓。十里。則次層木人擊鐺。一轆。鳳首。駕四

馬。駕士三十人。白鷺車。赤質。上有朱柱。貫五輪。相重。輪衣以緋。阜頂及緋絡帶。立繡飛鷺。柱杪刻木為鷺。銜鵝毛筩。紅綬帶。一轆。駕四馬。駕士十八人。鸞旗車。赤質。曲壁。一轆。上載赤旗。繡鸞鳥。駕四馬。駕士十八人。崇德車。古辟惡車也。赤質。周施花板。四角刻辟惡獸。中載黃旗。亦繡此獸。太僕署令一人在車中執旗。駕四馬。駕士十八人。皮軒車。赤質。曲壁。上有柱。貫五輪。相重。畫虎文。駕四馬。駕士十八人。黃鉞車。

赤質。曲壁中設金鉞錦囊。綢杠左武衛隊正一人。在車中執鉞。駕兩馬。駕士十五人。豹尾車。制同黃鉞車。上載朱漆竿。首綴豹尾。右武衛隊正一人。執之。駕兩馬。駕士十五人。屬車黑質。兩箱舉。袞前有曲闌。金銅飾。上施紫通幃。絡帶門簾。皆繡雲鶴紫網。幘銚。每乘駕三牛。駕士十人。大輦赤質。正方。油畫金塗銀葉。龍鳳袞。其上四面行雲龍。朶火珠。方鑑。銀絲囊。綢珠翠結條。雲龍。佃窠霞子。四角龍頭銜香囊。頂輪施耀。

葉。中有銀蓮華坐龍。紅綾裏。碧牙壓帖。內設圓鑑。銀絲香囊。銀飾勾闌。臺坐。紅絲條。綢幘銚。中施黃褥。置御坐。扶几。香爐。錦結綬。几衣。輪衣。絡帶。並緋繡。壓金銀錢。長竿四。銀裹鐵鈎。龍頭魚鈎。錦膊褥。銀袞。畫梯托义。黃羅緣席。褥。杷。梯。杖。褥。朱索。緋繒。油。杷。主輦六十四人。腰輿前後長竿各二。金銅螭頭。緋繡鳳裙。欄。上施錦褥。別設小床。緋繡花龍衣。奉輿十六人。

元玉輅。青質。金裝。青綠藻井。栲栳輪蓋。外施金。

大明集禮 卷四十一
裝雕木雲龍。內盤碾玉福海圓龍一。頂上匝以
金塗鑰石葉八十一。上圍九者二。中圍九者三。
下圍九者四。頂輪衣三重。上二重青繡雲龍瑞
草。下一重無文。輪衣內黃屋一。黃素紵絲瀝水。
周垂朱絲結網。青紵絲繡小帶四十八。帶頭綴
金塗小銅鈴。青紵絲繡絡帶二。頂輪平素面夾
用青紵絲蓋。四周垂流蘇八。飾以五采茸線結
網五重。金塗銅鉸五。金塗木珠二十有五。又繫
玉雜佩八。玕璜衝瑤全。金塗鑰石鈎掛十六。黃

茸貫頂天心直下十字繩二。各長三丈。蓋下立
朱漆柱四。柱下直平盤虛櫃中櫺三十。下外櫺
二。漆繪犀象鸚鵡錦雉孔雀隅窠嵌裝花板櫃。
周朱漆勾闌雲拱地霞葉百七十有九。下垂牙
護泥虛板。并朱漆畫瑞草勾闌。上玉行龍十。碾
玉蹲龍十。孔雀羽臺九。水精面火珠七。金圈焰
銅照八。輿下周垂朱絲結網。飾以金塗鑰石鐸
三百。綵畫鑰石梅萼嵌網眼中。輿之長轆三界
轆勾心各三。上下龍頭六。前轆引手玉螭頭三。

枕頭十六。綵以蹲龍。轅頭衡一。兩端玉龍頭二。上列金塗銅鳳十二。含以金塗銅鈴。輿之軸一輪二。軸之浮羅二。明轄蹲龍銓並青漆輪之輻各二十四。轂首壓貼金塗銅轂八十一。金塗鑰石擎耳戀攀四。櫃之前朱漆金裝雲龍輅牌一。牌字以玉裝綴。輅之箱四壁雕鏤漆畫填心。隔窠龜文花板。上層左畫青龍。右畫白虎。前畫朱雀。後畫玄武。輅之前額玉行龍二。奉一水精珠。後額如之。前兩柱茸鈴索五。貼金鸞和大響銅。

鈴十。金塗鑰石雙魚五。下朱漆軾櫃一。櫃上金香毬。金香寶。金香合。銀灰盤各一。並黃絲綬帶。輅之後朱漆後轡一。金塗曲戍黃紵絲銷金雲龍門簾一。緋紵絲繡雲龍帶二。輅之中。金塗鑰石較碾玉龍椅一。靠背上。金塗圈焰玉明珠一。左建太常旂十有二旂。青羅繡日月五星升龍。右建關戟一。九旂。青羅繡雲龍。中央黃羅繡青黼文。兩旗綢杠並青羅。旗首金塗鑰石龍頭二。金塗鑰石鈸。青纓綉十二重。金塗木珠流蘇十。

大明集禮 卷四十一 二十二
二重龍椅上。方坐一。綠褥一。皆錦銷金黃羅夾
帕一。方輿地褥二。勾欄內褥八。皆用雜錦綺。青
漆金塗。鍮石鉸葉踏道一。小褥五重。青漆雕木
塗金龍頭行馬一。小青漆梯一。青漆柄金塗長
托叉二。金塗首青漆推竿一。青茸引輅索二。各
長六丈餘。金塗銅環二。黃茸綏一。輅馬誕馬並
青色鞍轡鞞勒纓拂鞞並青常金飾。誕馬青織
金紵絲氍毹四。青羅銷金絹裏籠鞍六。蓋輅黃絹
大蒙帕一。黃油絹帕一。駕士平巾大袖。並青繪

紵絲為之。金輅。赤質金飾。內盤真金福海圓龍
輅馬誕馬並赤色。駕士並衣緋。象輅黃質象飾。
內盤描金象牙雕福海圓龍。輅馬誕馬並黃色。
駕士並衣黃。革輅。白質革鞞。內盤描金白檀雕
福海圓龍。輅馬誕馬皆白色。駕士並衣白。木輅
黑質漆之。內盤描金紫檀雕福海圓龍。輅馬誕
馬並黑色。駕士並衣紫。餘皆同玉輅之制。腰
輿。以香木。後背作山子。牙嵌七寶裝。象輅。駕
以象。凡巡幸則御之。

皇后車輅

周制皇后之五輅重翟錫面朱總厭翟勒面績總安車雕面鷲總皆有容蓋翟車貝面組總有幄輦車組輓有翬羽蓋凡言翟者皆謂以翟雉之羽為車兩傍之蔽也重則以二重為之厭則相次以厭其本單言翟者不重不厭但以翟飾車之側爾安車無蔽坐乘車也凡婦人車皆坐乘而此獨謂之安車者以其無重翟厭翟翟車輦車之名無異物之稱故獨稱安車也輦車無

飾但漆之而已錫面以錫飾馬面也勒面以韋為當面飾也雕面則雕之而已貝面以貝飾勒之當面也朱總謂以朱繒為飾著馬勒直兩耳也績總畫文為飾也鷲者青黑色組總以組織為總也容謂車帷蓋謂車蓋有幄則無蓋矣翬所以禦風塵也羽蓋以羽作小蓋以翳日也重翟后從王祭祀所乘厭翟后從王賓饗諸侯所乘安車后朝見於王所乘翟車后乘以出桑輦車后居宮中從容所乘為輅輪而人輓之以行

者也。

漢制。皇后駕輅。青羽蓋。駕四馬。旆九旒。

東漢

太皇太后。皇太后。皇后。法駕。皆御金根車。重翟羽蓋。加青交絡帷裳。其非法駕。則乘紫罽輅。車雲縠。文畫輅。黃金塗五末。蓋施金花。駕三馬。左右駢。**晉制**。后乘重翟羽蓋。金根車。加青絡青帷裳。雲縠畫輅。黃金塗五末。蓋施金華。駕三馬。左右駢。其廟見。小駕。則乘紫罽輅。車飾及駕馬如重翟。非法駕。則皇太后乘輦。皇后乘畫輪車。皇

后先蠶。乘油畫雲母安車。駕六騊馬。

騊。淺黑色。油畫

兩轅安車。駕五騊馬為副。又金博山輅。車紫絳罽輅。車。皆駕三騊馬為副。

宋因晉制。法駕乘重翟。先蠶乘油畫雲母安車。

齊制。皇后乘重翟車。碧旂九旒。紫輅。

後魏。皇后之輅。其從祭。則御金根車。親喪。則御

雲母車。歸寧。則御紫罽車。遊行。御安車。吊問。御紺罽車。並駕四馬。

後周。皇后之車十二等。一曰重翟。以從皇帝祀

大明集禮 卷四十一 二十五
禘享先皇朝皇太后。二曰厭翟。以祭陰社。三曰翟輅。以采桑。四曰翠輅。以從皇帝。見賓客。五曰雕輅。以歸寧。六曰象輅。以臨諸道法門。六輅皆鈎面朱總金鈎。七曰蒼輅。以適命婦。八曰青輅。九曰朱輅。十曰黃輅。十一曰白輅。十二曰玄輅。五時常出則供之。六輅皆䟽面績總。

隋重翟青質。金飾諸末。朱輪金根。朱牙。其箱飾以重翟羽。青油幢。朱裏。通幟。綉紫帷。朱絲絡網。綉紫絡帶。八鸞在衡。鏤錫般鞞。纓十二就。金鏤方

鉞。插翟尾。朱總。駕蒼龍。受冊。後祀郊禘。享廟。則供之。厭翟。赤質。金飾諸末。輪畫朱牙。其箱飾以翟羽。紫油幢。朱裏。通幟。紅錦帷。朱絲絡網。紅錦帶。餘如重翟。駕赤騮。親桑。供之。翟車。黃質。金飾諸末。朱輪。畫朱牙。飾以翟羽。黃油幢。黃裏。通幟。白紅錦帷。朱絲絡網。白紅錦絡帶。餘如重翟。駕黃駟。歸寧。則供之。諸鞞。纓之色。皆從車質。安車。赤質。金飾。紫通幟。朱裏。駕四馬。臨幸及吊。則供之。輦。金飾。同於蓬輦。通幟。班輪。駕四馬。宮苑近

行則乘之。屬車三十六乘。

唐因隋制。重翟。厭翟。翟車。安車。其飾不易。又制四望車。紫油朱質。通畫絡帶。拜陵臨吊則供之。又制金根車。朱質。紫油通幟。油畫絡帶。朱絲絡網。常行則供之。

宋皇后唯用厭翟車。其制箱上有平盤。四角曲闌。兩壁紗窗。龜文金鳳翅。前有虛櫃。香爐。香寶。緋綉幟衣。絡帶。門簾。三轅。鳳首。畫梯。推竿。行馬。緋繒裏索。駕六馬。金銅面。纓轡。鈴。襍。緋。縹。駕士

三十人。武弁。緋綉衫。常出止用副。金塗銀裝。白藤輿各一。上覆椽。椽屋。同乘輿。平頭輦之制。

元皇后出入用象輦。

國朝

皇太子車輅

周禮。金輅。建大旂。以封同姓。

漢皇太子皆安車。朱班輪。飛軫。青蓋。塗花。倚。虎伏。鹿。樨。文。畫。輪。吉。陽。笥。文。金。塗。五。末。旂。降。龍。皇太子為王。賜以乘之。皇孫。綠車。以從。皆左右駢

三馬名皇孫車。

魏因漢制文帝問東平王有輅為是特賜乎鄭稱對曰天子五輅金輅以封同姓諸侯得與天子同乘金輅非特賜也。

晉皇太子安車因魏制而駕三馬非法駕則乘畫輪車上開四望綠油幢朱綠繩絡兩廂裏飾以金錦黃金塗五末其副車三乘形制如所乘但不畫輪耳王青蓋車皇孫綠蓋車並駕馬左右駢。

東晉

安帝時皇子乘後山安車制如金

輅。

宋因晉制皇子為王亦錫以皇太子之安車皇孫綠車亦因舊法。

齊皇太子乘象輅校飾如御旂旗九旒降龍。

梁皇太子皇子因齊象輅制鸞輅駕三左右駢。

朱班輪倚獸較伏鹿軾九旒降龍青蓋畫輻文輅文金塗五末以畫輪車為副其畫輪車上開四望綠油幢朱繩絡兩箱裏飾以金錦。

後魏太子乘金輅朱蓋赤質駕四馬。

隋皇太子金輅。赤質。金飾諸末。重較箱。畫樞文。鳥獸黃伏鹿軾。龍輦。金鳳一在軾前。設障塵。朱蓋黃裏。畫朱牙。左建旂九旒。右載闔戟。旂首金龍頭。銜結綴及鈴綏。駕赤騮駟。八鸞在衡。二鈴在軾。金鑲方鈇。插翟尾五。焦鏤錫鞞。纓九就。從祀享廟。正冬大朝。納妃則乘之。輅車。金飾諸末。紫通幟。朱裏。駕一馬。五日常朝。及朝饗宮官。出入行道乘之。四望車。金飾諸末。紫油幢。通幟。朱裏。朱絲絡網。駕一馬。吊臨則乘之。

唐

太子車輅。因隋制。親王象輅。

宋

皇太子謁太廟。乘金輅。常朝則乘馬。親王乘

革輅。

國朝

皇太子乘金輅。

皇太子金輅制度。

輅身一乘。四柱。朱紅漆。金貼銅葉段。金

貼銅釘子裝釘。前左右二柱。描

一升一降。金龍二條。上四面花

板四片。中四面頰板八片。下左右并後三面花板每面六片。花板皆青地。上粧五采蟠龍。

天輪三層。用朱紅漆。上安金貼銅耀葉七十二片。紅羅絡帶二條。繡升降龍二條。

珮八吊。用金貼銅為之。相間纓帶掛天輪上。纓帶八吊。每吊用青紅白黑四色絲結成。五層每層用金貼銅大鈸子。

一箇。金貼銅小鈸子九箇。

闢八頂紅地。上描金升降龍八條。頂心照子一箇。周圍青斗拱。外邊四花板。紅地。描金雲朵。

平盤四邊護盤長花板。青地。每邊粧五采龍一條。下虛櫃四向花板。青地。每向九片。粧五采翔禽海獸。

內左右二面用托角霞龍四箇。粧五采明金用釘處用金貼銅。

釘裝釘。

一字杓欄在輅南牌邊。花板一層。中四片左右各一箇。青地。描金龍四條。用釘處用金貼銅葉。金貼銅釘子裝釘。

四角杓欄周圍輅身。外四向皆通門。每向兩角花板各二層。共八片。青地。描金龍各八條。每角用寶照一箇。嵌以金貼銅火焰立羽臺。

二箇。四向欄柱並作金貼銅座龍。用釘處用金貼銅葉。金貼銅釘裝釘。

車輪。輪質朱紅。用五采漆龍二條。輻質朱紅。轂質亦朱紅。五采漆龍二條。俱用金貼銅葉。金貼銅釘裝釘。軸頭。金貼銅。斂面。軸上。金貼銅龍頭。挿拴二箇。

長轆三條。轆首金貼銅。龍首三箇。轆身紅。

朱漆泥金龍鱗轅後金貼銅轅頭
轅上有立鳳橫竿。用朱紅漆。竿兩頭金
貼銅龍頭二箇。竿上金貼銅立
鳳九箇。鳳銜金貼銅鐸兒九箇。
抱轅竿一根。紅地。描金花。兩頭金貼銅
轅頭。

紅旗二面。內左旗竿頭金貼龍頭。旗身
上用全幅。兩面皆繡龍一條。下
用九幅。內外皆繡升龍五條。降

龍四條相間。右竿頭用金貼銅
戟。旗身上用全幅。外一面繡黻
內一面繡龍一條。下用九幅。內
外皆繡升龍五條。降龍四條相
間。竿頭垂鈴鐸兩箇。上各垂紅
流蘇九箇。下並垂紅絲結子。
輅牌。朱紅漆造。兩旁描升降金龍。上下
用描金雲朵。

輅中座椅。朱紅漆造。靠背兩頭金貼銅

龍頭二箇。椅手龍頭二箇。脚踏
納板並朱紅漆。座褥脚踏褥子
並繡團龍七條。不坐則以紅帕覆之。
曲几用紅朱漆。四色藥玉珠為裙網。象
牙滴子。不用。以紅帕覆之。

香櫃用朱紅漆。金貼銅葉。金貼銅釘裝
釘。金貼銀香爐一箇。金貼銀香
合一箇。金貼銀燭臺一對。金貼
銀香匙筋一副。

踏梯用朱紅漆造。金貼銅葉及金貼銅
釘子裝釘。不用。以紅帕覆之。

執綏官踏梯用紅漆。

軟簾一把。用青錦。上有金貼銅鉢遮那
一副。金貼銅挂搭鴈鉤四箇。

拽索用紅絲成造。

淨蓆一領。用紅絹緣。

朱紅漆托文二件。

朱紅漆合蟬梯一副。

朱紅漆小木梯一副。

朱紅漆行馬二座。金貼銅葉。金貼銅釘

裝釘。

妃主命婦以下車輅。

東漢長公主乘赤芻駟車。大貴人公主王妃封君油畫駟車。大貴人加節畫駟。皆右駢。公列侯夫人會朝。若親蠶。各乘其夫之安車。右駢加交絡。帷裳皆同。非公會不得乘朝車。得乘漆布輜駟。銅五末。

晉三夫人油駟車。駕兩馬。左駢。貴人加節畫駟。三夫人助蠶。乘青交絡安車。駕三。皆以紫絳芻駟車。九嬪世婦乘駟車。駕三。長公主赤芻駟車。駕兩馬。公主王太妃皆油駟車。駕兩馬。右駢。公主油畫安車。駕三。青交絡。以紫絳芻駟車。駕三。為副。王太妃三夫人亦如之。公主助蠶。乘油畫安車。駕三。公主有先置者。乘青交絡安車。駕三。諸王妃。公太夫人。夫人。縣鄉君。諸郡公侯特進。夫人助蠶。乘皂交絡車。駕三。諸侯監國世子之

世婦侍中常侍尚書中書監令卿校世婦命婦助蠶乘皂交絡安車。儷馬郡縣公侯中二千石二千石夫人會朝及蠶各乘其夫之安車。皆右駢。皂交絡。皂帷裳。自非公會則不得乘朝車。止乘漆布輜駟銅五末而已。王妃特進夫人封郡君。安車駕三。皂交絡。封縣鄉君油駟車。駕兩馬。右駢。

宋公主安車。以紫絳剡駟車為副。駕三。九嬪世婦駟車。駕一。王妃特進夫人封君。皂交絡安車。

駕三。其貴人公主王妃封君。油駟。駕二。右駢。公列侯中二千石夫人會朝及蠶。所乘依漢故事。**齊**皇子妃厭翟車。如重翟飾而微減。油輅畫安車。公主王妃三公特進夫人所乘。正副皆依漢晉。

梁長公主公主諸王太妃皆得乘青油榻幢通幘車。榻幢涅幘為副。皇女諸王嗣子侯夫人皆乘赤油榻幢車。以涅幘為副。侍女聽涅幘二乘。**北齊**因魏制。其諸公主乘油朱絡網車。車中飾

用金塗及純銀。

後周諸公夫人之輅車九。厭翟輅。翟輅。翠輅。皆錫面。朱總。金鈎。雕輅。篆輅。皆勒面。績總。朱輅。黃輅。白輅。玄輅。皆雕面。諸侯夫人自翟輅而下八。諸伯夫人自翠輅而下七。諸子夫人自雕輅而下六。諸侯夫人自篆輅而下五。鞶纓就數。各視其君。三妃三公夫人之輅九。篆輅。朱輅。黃輅。白輅。玄輅。皆勒面。緇總。夏篆。夏纓。墨車。戟車。皆雕面。鷲總。三妣。反由力。三孤。內子自朱輅以下八。六嬪。

六。卿內子自黃輅而下七。上下媛婦。中大夫孺人。自夏篆而下四。女御。婉士。婦人。自夏纓而下三。其鞶纓就各以其等。皆簞第漆之。君以赤。卿大夫士以玄。君駕四。三輅六轡。卿大夫士駕二。一輅四轡。

隋皇太子妃乘翟車。以赤為質。駕三馬。畫轅。金飾。犢車。紫幟。朱網絡。良娣以下並乘犢車。青幟。朱裏。三公夫人。公主。王妃。並犢車。紫幟。朱網絡。五品以上並乘青幟。與其夫同。

唐內命婦夫人乘厭翟車。嬪乘翟車。婕妤以下乘安車。各駕二馬。外命婦公主王妃乘厭翟車。駕二馬。自餘一品乘白銅飾犢車。青通幃。朱裏油幢。朱絲絡網。駕牛。二品以下去油幢。絡網。四品青偏幔。

宋內外命婦之車。銀裝白藤輿檐。內命婦皇親所乘。白藤輿檐。金銅犢車。或覆以氈。或覆以椶。內外命婦通乘。

國朝

公卿以下車輅

周禮象輅以封異姓。革輅以封四衛。服車五乘。孤乘夏篆。卿乘夏縵。大夫乘墨車。士乘棧車。庶人乘役車。服車者服事之車。夏篆謂五色畫轂。約夏縵亦五采畫而無篆。墨車不畫。但以漆革輓車而已。棧車不革鞞。但漆之而已。役車方箱。可載任器以供役者也。

漢六百石以上施車轡。得銅五末。輓有吉陽箭。二千石以上右駢。三百石以上皂布蓋。千石以

上皂繒覆蓋。二百石以上白布蓋。皆四維杠。衣賈人不得乘馬車。吏亦蓋杠。其餘皆青。**後漢**公卿乘安車。朱班輪。倚鹿較。伏熊軾。皂繒蓋。黑輜。右駢。中二千石。二千石皆皂蓋。朱兩輜。千石六百石。朱左輜。長六尺。

晉制。三公九卿河南尹。郊廟明堂。皆大車立乘。駕駟。前後導從。大車駕二。右駢。他出乘安車。其去位致仕告老。賜安車。駕四。郡縣公侯安車。駕二。右駢。皆朱班輪。倚鹿較。伏熊軾。黑輜。皂繒蓋。

中二千石。二千石皆皂蓋。朱兩輜。銅五末。駕二。中二千石以上。右駢。千石六百石。朱左輜。車輅長六尺。

宋制。追鋒車。雲母車。四望車。公及列侯所乘。安車。依漢舊制。駕二馬。旂旗旒。王公侯七。卿五。皆降龍。公卿中二千石。郊陵法出。皆大車立乘。駕四。他出及去位致仕者。皆安車四馬。二千石皆皂蓋。朱輜。銅五末。駕二。右駢。王公之世子。攝命治國者。安車。駕三。旂旗七旒。侯世子五旒。

齊制黃蓋車。建碧旂九旒。九命上公所乘。青蓋安車。朱轡班輪。駕一。左右駢通。憶車為副。諸王禮行所乘。皂蓋安車。朱轡漆班輪。駕一。通憶。朱車為副。三公禮行所乘。安車。黑耳皂蓋。朱轡。駕一。牛車為副。國公列侯禮行所乘。馬車。駕一。九卿領護。二衛驍游。四軍五校。後郊陵所乘。餘同晉法。

梁二千石四品以上。及列侯皆給輅車。駕牛。伏兔箱。青油幢。朱絲絡網。轂皆黑漆。天監二年。令

三公開府尚書令。給鹿轡輅。施耳。後戶皂輜。尚書僕射。左右光祿大夫。侍中。中書監。祕書監。給鳳轡輅。後戶皂網。領護國子祭酒。太子詹事。尚書侍中。列卿等。給聊泥輅。無後戶。漆輪車。驃騎及諸王。除刺史。帶將軍。給龍雀輅。以金銀飾。御史中丞。給方蓋輅。形小如傘。諸王三公有勲德者。皆特加皂輪車。駕牛。形如犢車。但烏漆輪轂。黃金雕裝。上加清油幢。朱絲絡通憶。王公加禮者。給油幢絡車。駕牛。朱輪華轂。

陳因梁制

後魏三公及王車。朱屋青蓋。制同五輅。名曰高車。駕三馬。庶姓王侯及尚書令僕以下。列卿以上。並給輅車。駕一馬。或乘四望通幃車。駕一牛。**北齊**制庶姓王儀同三司以下。翟尾扇傘。皇家及三品以上。官青傘。朱裏。其青傘碧裏。達於士人不禁。正從一品執事。散官乘油朱絡網車。車牛飾。得用金塗及純銀。三品乘卷通幃車。車牛金飾。七品以上。乘偏幃車。車牛金飾。以銅。

後周諸公之輅九。方輅。格象碧輅。金輅。皆錫鞶。

纓九就。金鈎象輅。犀輅。貝輅。革輅。篆輅。木輅。皆疏鞶。纓九就。皆以朱白蒼三采。諸侯自方輅而下八。無碧輅。諸伯自方輅而下七。又無金輅。諸子自方輅而下六。又無象輅。諸男自方輅而下五。又無犀輅。凡就各如其命。三公之車輅九。祀輅。犀輅。貝輅。篆輅。木輅。夏篆。夏纓。墨車。較車。自篆以下。金塗。諸末。錫鞶。纓金鈎。木輅以下。銅飾。諸末。疏鞶。纓皆九就。三孤。自祀輅而下八。無犀輅。六卿。自祀輅而下七。又無貝輅。上大夫。自祀

輅而下六。又無篆輅。中大夫。自祀輅而下五。又無木輅。下大夫。自祀輅而下四。又無夏輅。士車三。祀車。墨車。駟車。凡就各如其命數。自孤以下就以朱綠二采。

隋制。公及一品象輅黃質。象飾諸末。建旗。畫以鳥隼。受冊告廟升壇。上任親迎及葬則乘之。侯伯及二品。三品革輅白質。建旗。畫以熊虎。受冊告廟親迎及葬則乘之。子男及四品木輅漆飾。建旒。畫以龜蛇。受冊告廟親迎及葬則乘之。象輅

以下。旒及就數各依爵品。犢車則魏武賜楊彪七香車也。駕牛。自王公以下。至五品以上。並給乘之。三品以上。通幃朱裏。五品以上。紺幃碧裏。皆銅裝。唯有參謁及吊喪者則不張幃而乘鐵裝車。六品以下不給。任自乘犢車。弗許施幃。

唐制。王公以下車輅。親王及武職一品象輅。自餘及二品。三品革輅。四品木輅。五品輅車。象輅朱班輪。左建旂。旗。畫龍。一升一降。右載闔戟。革輅以革飾。左建旒。餘同象輅。木輅以漆飾之。餘

大明集禮 卷四十一 四十一
同革輅。輅車。四壁青通幟。諸輅質蓋旂旛皆朱。一品九旒。二品八旒。三品七旒。四品六旒。其有鞶纓就數皆准此。三品以上珂九子。四品七子。五品五子。六品以下。去通幟及珂。王公車輅藏于太僕。受制行冊命巡陵婚葬則給之。餘皆以騎代車。

宋群臣車輅鞍馬之制。親王一品。奉使及葬並給革輅。制同乘輿之副。惟改龍飾為螭。六引。內三品以上乘革車。赤質。制如進賢車。駕四赤馬。

駕士二十五人。緋纓衣。絡帶。旗戟。綢杠。繡文。司徒以瑞馬。京牧以隼。御史大夫以獬豸。兵部尚書以虎。太常卿以鳳。縣令乘輅車。黑質。兩壁紗。幟一轆。金銅飾。紫幟衣。絡帶。並繡雉。御瑞草。駕二馬。駕士十八人。百官常朝皆乘馬。鞍勒之制。金塗銀裝牡丹花校具。重八十兩。紫羅繡寶相花雉子方鞵。油畫鞍橋。白銀銜鐙。以賜宰相親王。使相。殿馬。馬軍步軍都指揮使。金塗銀裝太平花校具。重七十兩。紫羅繡瑞草方鞵。油畫鞍。

大司馬禮 卷四十一
橋陷銀銜鐙。以賜樞密使副使叅知政事節度使殿前馬軍步軍副都指揮使都虞以上。若出使則加紅氍牛纓。金塗銀鉞。使相外加紅織成鞍複。步軍都虞侯以上賜帶甲馬者。加紅皮鞞轡校具。重一十七兩。青氈圓韉。陷銀銜鐙。金塗銀開裝麻葉校具。重五十兩。紫羅刺花方韉。油畫鞍橋。陷銀銜鐙。以賜三司使文明資政翰林龍圖樞密直學士御史中丞兩使留後觀察防禦使廂都指揮使軍箱都指揮使。初出受團練

使刺史者。賜亦同。金塗銀三環寶相花校具。重二十五兩。紫羅圓韉。烏漆鞍橋銜鐙。以賜團練使刺史。金塗銀促結路州花校具。重二十兩。紫羅圓韉。以賜諸路承受。白成重十五兩。以賜諸王官寮翰林侍讀侍書。金塗銀寶相花校具。重二十兩。蠻雲校具。重十五兩。以賜諸班押班殿前指揮使以上。白成窪面校具。重十二兩。以賜諸班。皆藍黃絕圓韉。

大明集禮卷四十一

